



Sámi allaskuvla
Sámi University College

SÁMI ALLASKUVLLA EKSÁMEN- JA LOAHPALAŠ ÁRVVOŠTALLAMA LÁHKAÁSAHUS

SISDOALLU

| | | |
|------|---|----|
| § 1 | Doaibmaguovlu | 2 |
| § 2 | Definišuvnnat | 2 |
| § 3 | Fága-/oahppoplánat ja lohkanmearit | 4 |
| § 4 | Oahppovuoigatvuohta | 4 |
| § 5 | Oktagaslaš oahppoplána | 4 |
| § 6 | Permišuvnnat | 5 |
| § 7 | Vuoigatvuohta čadahit eksámena | 5 |
| § 8 | Eksámendieđiheapmi | 6 |
| § 9 | Vejolašvuohta váldit eksámena privatistan | 6 |
| § 10 | Giella | 6 |
| § 11 | Eksámenlágideapmi | 7 |
| § 12 | Jávkan eksámenis ja sisaaddinbargguid maŋideapmi | 7 |
| § 13 | Maŋiduvvon eksámen ja gearduneksámen | 7 |
| § 14 | Buoridit árvosániid | 8 |
| § 15 | Eksámenvuogit ja –viidodagat | 8 |
| § 16 | Beassat eksámena dahje geahččaleami čadaheamis | 8 |
| § 17 | Eksámenčadaheapmi sierranas eavttuid vuodul | 9 |
| § 19 | Veahkkeneavvuid geavaheapmi eksámenis | 9 |
| § 20 | Verrošeapmi ja verrošangeahččaleapmi | 9 |
| § 21 | Árvosátnevuogádat | 10 |
| § 22 | Sensorat, sensorortnegiid ja sensoráigemearri | 10 |
| § 23 | Eksámenlágideami formála meattáhusaid váidin | 11 |
| § 24 | Čilgehus mearriduvvon árvosátnái ja árvosáni váidin | 12 |
| § 25 | Duodaštusat | 13 |
| § 26 | Bajit dási lágat / referánsat | 13 |
| § 27 | Dárkilat njuolggadusat | 13 |
| § 28 | Fápmuibohtin | 14 |

Mearriduvvon Sámi allaskuvlla stivrras guovvamánu 15. beavvi,
LOV 2005-04-01 nr 15 Universitehtaid ja allaskuvllaid lága , § 3-9 7.čuooggá vuodul.
Loahpalaččat dohkkehuvvon Sámi allaskuvlastivrras 15.06.2011 áššis S-ášši 29/11

§ 1 Doaibmaguovlu

Dát láhkaásahus gusto buot studeanttaide geat oassálastet Sámi allaskuvlla oahpuide ja kurssaide, ja geain lea vuoigatvuohta čađahit eksámena Sámi allaskuvllas láhkaásahusa § 7 vuodul. Láhkaásahus gusto maiddái olggobealruhtaduvvon oahpuid/ oahppoovttadagaid eksámeniidda go Sámi allaskuvla galgá duođaštit studeanttaid gelbbolašvuoda.

Jus leat erohusat dán láhkaásahusas ja rámmaplánas mat gustojit oahpahussii, de gustojit rámmaplána njuolggadusat.

§ 2 Definišuvnnat

| | |
|----------------------------------|---|
| Láhka | Láhka mearkkaša Lov 2005-04-01 nr 15: Lov om universiteter og høyskoler / Universitehtaid ja allaskuvllaid láhka. (U/A láhka) |
| Studeanta | Studeanta lea son gii lea ožžon oahpposaji studeantasisaváldima bokte, dahje son geas lea vuoigatvuohta čađahit eksámena U/A lága §§ 3-6 ja 3-7 vuodul. |
| Privatista | Privatista lea son gii lea dieđihan iežas eksámenii U/A lága § 3-10 vuodul, vaikko ii leat sisaváldon studeantan allaskuvlla fágii dahje ohppui . |
| Oahpporiekti / vuoigatvuohta | Oahpporiekti lea sus gii lea ožžon oahpposaji studeantasisaváldima bokte, lea máksán studeantadivvaga gustovaš lohkanbadjái ja lea registrerejuvvon studeantan allaskuvlii. Riekti addá vuoigatvuođa searvat organiserejuvvon oahpahussii, bagadallamii (oktagaslaš ja joavkkus), bargohárjehallamiide jnv., gusto makkár ohppui lea sisaváldojuvvon. |
| Kandidáhtta | Kandidáhtta lea studeanta gii lea dieđihuvvon eksámenii. |
| Rámmaplána | Rámmaplána lea plána oahpuide maidda departemeanta lea bidjan našunála rámmaid oahpuid sisdollui. |
| Fágaplána | Fágaplána lea plána mii čilge mo ovttaskas allaskuvla lágida oahpu masa gávdno rámmaplána. Fágaplánas galgá boahit ovdan goas lea dohkkehuvvon allaskuvllas, ja makkár rámmaplána vuodul lea ráhkaduvvon. Fága namma galgá leat seammalágán fágaplánas go rámmaplánas. |
| Oahppoplána | Oahppoplána lea plána mii čilge mo allaskuvla lágida oahpu masa ii gávdno rámmaplána., omd integrerejuvvon oahppu. |
| Prográmmaplána | Prográmmaplána lea plána mii čilge mánngga jagáš oahpu, oahppoprográmma. Oahppoprográmmas leat mánnggat oahppoovttadagat main leat sierra oahppoplánat |
| Fáddá, fága dahje oahppoovttadat | Viidodat mihtiduvvo oahppočuoggáid mielde mas loahpalaš árvoštallan. |
| Fáddájoavkku | Fáttáid/oahppoovttadagaid kombinašuvdna mii lea definerejuvvon sierra oahppo-/fágaplánain ja gártada obbalaš oahppofálaldaga |

| | |
|---|---|
| Lohkanmearri (Pensum) | Lohkanmearri lea geatnegahttojuvvon dieđalaš čállosat maid galgá hálddašit eksámenis. |
| Oahppoprográmma | Ovttá dehe mángga jagi ollislaš oahppu mii loahpahuvvo grádan, ja mii almmuhuvvo sierra oahppofálaldahkan |
| Gráda | Gráda lea oahppu/oahppoprográmma vissis viidodagas, mii addá rievtti oahppoduođastussii (vitnemål). |
| Eksámen | Doaba geavahuvvo eksámeniid ja geahččalemiid oktavuodas, dalle go boadus galgá leat oassin oahpu loahpalaš árvosánis ja galgá oahppoduođastussii dahje árvosátnečállosii. |
| Manjiduvvon eksámen | Manjiduvvon eksámen lea eksámen mii lágiduvvon kandidáhtaide geat ledje dohkálaš sivain (buozalmasvuodáduođastusain) eret ordineara eksámenis. |
| Gearduneksámen | Gearduneksámen lágiduvvo kandidáhtaide geat eai ceavzán ordineara eksámena. |
| Ođđa eksámen | Ođđa eksámen lágiduvvo dušše dalle go lágiduvvojit dábálaš eksámenat, jus allaskuvla ii mearrit earáládje. Dalle lea vejolaš buoridit árvosániid (čadáhít ođđa eksámena). |
| Geahččaleamit | Geahččaleamit (omd. sámegeilmáhtu giellageahččaleamit) main bohtosat eai boađe duođastusaide, muhto galget leat dohkkehuvvon ovdalگو studeanta sáhttá váldot studeantan oahppofálaldahkii. |
| Geatnegahtton barggut / bargogáibádusat | Geatnegahtton barggut / bargogáibádusat čadhaheapmi ja dohkkeheapmi nu go ovdanbohtet iešguđet fága- ja oahppoplánain, leat eaktun beassat eksámeniidda/loahpahit fága/oahpu. |
| Diploma supplement | Diploma supplement lea loahpalaš oahppoduođastussii lasáhus, mii galgá veahkin ovddidit internašunála ipmárdusa allaskuvlavuogádaga ja ovttaskas studeantta oahpu birra. Diploma supplement galgá čuovvut originála loahppaduođastusa ja lea fámus/lobálaš/dohkkehuvvon dušše dainna fárrolaga. |
| Sensor | Fágaoahpaheaddji / fálaldaga fágalašovddasvástideaddji guhte árvvoštallá kandidáhtaid bargguid. Sensor sáhttá leat siskkáldas sensor (fágaoahpaheaddji) dahje olggobeal sensor. |
| Sensorbagadus | Sensorbagadus galgá sistsidoallat unnimusat oppalaš árvvoštallankriteriijaid ja vejolaččat fágalaš árvvoštallankriteriijaid. |

§ 3 Fága-/oahppoplánat ja lohkanmearit

Sámi allaskuvla eksámenat čađahuvvojit fága-/oahppoplánaid vuodul.

Fága- ja oahppoplánat galget dohkkehuvvot Sámi allaskuvlla stivrras dahje eará stivrenorgánas masá stivra lea ovddasvástádusa delegeren. Fága- ja oahppoplánat sáhttet rievdaduvvot gitta 6 mánu ovdal go eksámen lágiduvvo. Giđđalohkanbajis álgi oahpuide lohkanmearrelistut galget leat dohkkehuvvon ovdal 15.10. Čakčalohkanbaji álgi oahpuide lohkanmearrelistut galget leat dohkkehuvvon ovdal 15.5. Oanehisáiggeoahpuid lohkanmeari ii sáhte rievdadit maŋnel go oahppu lea álgán. Erenoamáš dáhpáhusain sáhttá stivrenorgána, masá stivra lea ovddasvástádusa delegeren, spiehkastit dán njuolggadusas.

§ 4 Oahppovuoigatvuohta

1. Gustovaš oahppovuoigatvuođa oažžu go beassá sisa ohppui, máksá lohkanbadjedivvaga ja registrere guoskevaš áigemeriid siskkobealde. Studeanttat oahpuin mat dahket 60 oahppočuoggá dahje eambo jahkái fertet dohkkehit oktagaslaš oahppoplána guoskevaš áigemeriid siskkobealde. Jus ii deavdde dáid eavttuid, de gessojuvvo oahppovuoigatvuohta automáhtalaččat.
2. Dat gii lea dohkkehan oahpposaji fálaldaga doalaha oahppovuoigatvuođa 50 % áiggi maŋnel normerejuvvon oahppoáiggi, dahje unnimusat jagi. Allaskuvla sáhttá, jus studeanta ohcá, spiehkastit mearrádusas. Maŋiduvvon oahppoálgín ja gaskaboddosaš eretbidjan allaskuvllas ii guoskka ráddjejuvvon áigemearrái.
3. Go studeanta ii ollašuite oahpu dahje fáttá normerejuvvon oahppoáiggis, ja jus dan gaskkas leat oahppo- dahje fágaplánat dovdomassii rievdan, de bistá vuoigatvuohta čađahit álggahuvvon oahppo- dahje fágaplána ovtta jagi maŋnel go rievdadus bođii fápmui.
4. Studeanta sáhttá massit oahppovuoigatvuođa oahpus masa lea beassan čuovvovaš diliin:
 - a. Studeanta lea rasttildan normerejuvvon áiggi mearriduvvon rájiid.
 - b. Studeanta lea geavahan iežas vejolašvuođaid váldit eksámena dahje hárhellanáigodaga rámma-, fága- dahje oahppoplánaid ektui dahje dán láhkaásahusa ektui.
 - c. Studeanttas ii leat permišuvdna ii ge leat váldán ja ceavzán eksámena maŋemus oahppojagis. Allaskuvla dahká mearrádusa masson oahppovuoigatvuođa birra. Mearrádusa sáhttá váldit.
5. Oahppovuoigatvuohta nohká automáhtalaččat go :
 - a. Studeanta ieš duodašta ahte son geassáda oahppoprográmmas.
 - b. Oahppu lea čađahuvvon ja duodaštusat leat čálijuvvon.
6. Dat gii massá oahppovuoigatvuođa dán paragrafa nr. 4a) ja c) mielde, sáhttá odđasit ohcat beassat ohppui, ja ferte dalle čuovvut gustovaš fága-/oahppoplána.

§ 5 Oktagaslaš oahppoplána

Allaskuvlla ja studeantta gaska mii váldá oahpuid mat dahket 60 oahppočuoggá dahje eambo, galgá ráhkaduvvot oktagaslaš oahppoplána. Oahppoplánas galget leat mearrádusat allaskuvlla ovddasvástádusa ja geatnegasvuođaid birra studeantta ektui, ja studeantta geatnegasvuođat allaskuvlla ja mielstudeanttaid ektui.

Oktagaslaš oahppoplána galgá leat ráhkaduvvon nu ahte studeanta galgá sáhttit čađahit plánejuvvon oahpu dahje oahppomannolaga normerejuvvon áiggis ollesáigge- dahje oasseáiggestudeantan. Oktagaslaš oahppoplána sáhttá rievdadit allaskuvlla ja studeantta šiehtadusa bokte, ja studeanta galgá dohkkehit dan juohke lohkanbajis mearriduvvon áigemeriid mielde.

§ 6 Permišuvnnat

Dábálaččat ii addojuvvo permišuvdna ovdal go studeanta lea čađahan 30 oahppočuoggá dahje eambo. Dábálaččat addojuvvo permišuvdna gitta jahkái. Allaskuvla mearrida permišuvdnaohcama. Allaskuvla sáhtá miedihit addit permišuvnna eambo go jagi ovdamearkka dihte riegadahttima/adopšuvnna, militeara dahje siviila vearjogeatnegasvuoda, buozanvuoda ja eará erenoamáš sivaidd geažil.

§ 7 Vuoigatvuohta čađahit eksámena.

1. Vuoigatvuohta čađahit eksámena bohtá ovdan U/A lága § 3-10. Vuoigatvuohta čađahit eksámena lea sus geas lea oahpporiekti, vrd § 4, ja gii deavdá eará gáibádusaid mat leat biddjon fága/oahppoovttadaga eksámenčađaheapmái.

2. Fága- ja oahppoplánain galget bohtit ovdán geatnegahtton bargogáibádusat mat galget leat čađahuvvon ja dohkkehuvvon ovdal go studeanta beassá čađahit eksámena/-iid.

Eksámendieđiheapmi dán paragrafa mielde sáhtá gildojuvvot jus kandidáhtta ii leat oassálastán geatnegahtton oahpaheapmái, dahje jus ii leat čađahan geatnegahtton hárhjhallama ja geatnegahtton njálmmálaš, čálalaš dahje praktihkalaš bargguid.

Sierranas ohcama vuodul sáhtá studeantta oážžut geatnegahtton bargguid heivehuvvot seamma prinsihpaid vuodul go § 17 Eksámenčađaheapmi sierranas eavttuid vuodul. Ohcama meannuda hálddahus ovttasráđiin oahpu fágalaš jođihedjiiin.

3. Go eksámenis/fágas/oahppoovttadagas leat mánga oasseeksámena, vrd. § 6, fága ii leat ollislaš ovdal buot oasseeksámenat leat dohkkehuvvon/cevzon.

4. Ii beasa geahččalit čađahit eksámena eanet go golmma geardde ovtta fágas/oahppoovttadagas, ja dát ferte dáhpáhuvvat guovtti jagi siskobealde. Dát guoská maiddái mañiduvvon eksámeniidda. Studeanttat geat eai leat dieđihan iežaset eksámenii guovtti jagis, fertejit čađahit olles oahppoovttadaga ođđasit. Studeanta árvvoštallojuvvo leat bohtán eksámenii jus son geassáda mañjel go eretdieđihanáigi lea dievvan, jus ii boađe eksámenii, jus ii atte vástádusa, dahje jus bohtá eksámenii ja geassáda eksámena vuolde. Erenoamáš dáhpáhusain, sáhtá allaskuvla spiehkastit dán mearrádušas studeantta ohcama vuodul. Go studeanta lea váldán eksámena ođđasit, de gusto buoremus árvosátni.

5. U/A lága § 3-4 mielde studeanta gii lea ovdal čađahan dihto oahpu/fága, son ii sáhte oáččut dohkkehuvvot oahpu/fága mas lea seamma fágasisdoallu go ovdal čađahan oahpus.

6. Studeanta gii ii ceavzze hárhjhallama ferte čađahit hárhjhallama ođđasit ovdal go oážžu oahppoprográmma dohkkehuvvot loahpalaččat. Studeanta oážžu vejolašvuoda čađahit hárhjhallama ođđasit go allaskuvla fas lágida dákkár hárhjhallama, vrd. oahppoprográmma hárhjhallanplána. Studeanta gii nuppes ii ceavzze seammá hárhjhallama ferte heaitit oahpus. Studeanttat geat erenoamáš sivaidd geažil eai sáhte oassálastit ovtta hárhjhallamii, sáhttet ohcama vuodul beassat čađahit hárhjhallanáigodaga sierra vuogi mielde (omd. smávit osiid mielde), ovdal go galget čađahit boahhte hárhjhallanáigodaga.

§ 8 Eksámendieđiheapmi

1. Dieđihanáigemearit leat maŋjimuštá čakčamánu 15. beavvi čakčalohkanbaji eksámeniidda ja guovvamánu 15.beavvi giđđalohkanbaji eksámeniidda, muhto eará áigemearit sáhttet siskkáldasat šiehttojuvvot jus eksámenat lágiduvvojit olggobealde dáid mearriduvvon eksámenáigodagaid/áigemeriid.
2. Lea eksámenkandidáhta geatnegasvuohta iskat ahte son lea dieđihuvvon eksámenii ja/dahje rievttas fágas / oahppooovttadagas.
3. Kandidáhtta galgá geavahit vásedin ráhkaduvvon skovi go dieđiha iežas eksámenii, dahje sáhttá dieđihit StudentWeb bokte neahtas. Namuhuvvon áigemearit gustojit maiddá maŋjiduvvon- ja gearduneksámeniidda.
4. Kandidáhtta gii lea dieđihuvvon eksámenii, sáhttá geassádit eksámenis. Son ferte geassádit eksámenis čálalaččat unnimusat 10 beavvi ovdal eksámena.
5. Kandidáhtta gii geassáda eksámenis dohkálaš siva haga ii sáhte gáibidit ođđa eksámena čađahit ovdal go nuppes lágiduvvo ordineara eksámen fágas. Son gii dohkálaš siva haga geassáda eksámenis unnit go 10 beavvi ovdal eksámena, dahje eksámenlanjas, dahje oažžu árvosáni “ii ceavzán” eksámenis, lohko ahte kandidáhtta lea geavahan ovttá vejolašvuođa dan golmma eksámenvejolašvuođas mat sus leat. Dohkálaš siva mii addá vuoigatvuođa čađahit maŋjiduvvon eksámena lea buozalmasvuohta dahje earenoamáš dilálašvuođa ja galget leat duođaštuvvon.

§ 9 Vejolašvuohta váldit eksámena privatistan

1. Privatista lea persovdna nu go čilgejuvvon láhkaásahusa 1. §:s “Privatista”.
2. Vejolašvuohta váldit eksámena sáhttá hilgojuvvot lága § 3-10 nr. 2 mielde jus privatista ii leat čuvvon geatnegahtton oahpahusa dahje ii leat čađahan geatnegahtton hárbjehallama.
3. Privatisttat fertejit dieđihit iežaset eksámenii, ja vejolaččat ohat dohkkehuvvot ovdaoahpu dahje hárbjaneami gáibádusaid, ovdal mearriduvvon áigemeriid: čakčamánu 1. beavvi čakčajahkebealis ja guovvamánu 1. beavvi giđđajahkebealis, jus allaskuvla ii leat mearridan eará áigemeriid. Duođaštus dan oahpu lohkanbalašvuođas masa eksámen guoská, ferte biddjot eksámendieđiheami mielddusin. Allaskuvla mearrida leat go dieđiheami eavttut devdojuvvon.
4. Privatisttat fertejit máksit eksámendivvaga nu olu go stivra mearrida. Eksámendivat ferte leat máksujuvvon ovdal dieđihuvvon áigemeari. Privatisttat geat eai leat máksán eksámendivvaga áiggebáale, eai beasa váldit eksámena.
5. Privatisttat fertejit eksámendivvaga lassin máksit lohkanbadjedivvaga studeantaovttastusaid lága mielde oktan njuolggadusaiguin. Privatisttain geat leat máksán lohkanbadjedivvaga, lea vuoigatvuohta oažžut studeantakoartta ja sii besset atnit ávkki fálaldagain maid Sis-Finnmárkku studeantaid ovtastus fállá.

§ 10 Giella

Sámi allaskuvlla oahpahus ja eksámenbarggut leat sámegillii, nu guhkká go eará ii leat mearriduvvon fága- ja oahppolánaid.

§ 11 Eksámenlágideapmi.

Eksámen čađahuvvo dábálaččat dan lohkanbaji go oahppoovttadaga oahpahus loahpahuvo.

1. Eksámenplána

- a. Dábálaččat leat guokte válde eksámenáigodaga (gidđalohkanbadji ja čakcalohkanbadji), muhto Sámi allaskuvlla sáhtta lágidit eksámeniid birra oahppojagi dađi mielde mo oahput juhkkovuođot oahppoovttadagaide ja movt dat lágiduvvojit.
- b. Eksámenáiggit almmuhuvvojit sierra eksámenplána bokte unnimusat mánu ovdal go eksámen fágas/oahppoovttadagas čađahuvvo. Eksámenplána dohkkeha fágahálddahušoa. Erenoamáš dáhpusain sáhtta rievdadit eksámenplána. Rievdadusat eksámenplánii galget almmuhuvvot gullelaš orgánaide nu fargga go vejolaš.

§ 12 Jávkan eksámenis ja sisaaddinbargguid mañideapmi

Jus iežas buozanvuolta dahje lagas bearraša buozanvuolta/jápmi/lihkohisvuolta (heahtedilli) dagaha ahte studeanta ii sáhte boahit eksámenii, de ferte addot čálalaš doavttirduođastus mii čilge jávkama eksámenbeaivvi jus jávkan galgá leat dohkálaš. Dohkálaš jávkama duođastus galgá addot allaskuvla 5 beaivvi sisa mañjel eksámendáhtona.

Jus ruovttueksámena sisaaddin mañjona, de sáhtta oahppohálddahuš addit gitta 48 liigediimmu, jus dalán sáhtta čálalaš doavttirduođastusain duođastit ahte lea ovdamearka dihte iežas fáhkka buozanvuolta dahje buozanvuolta/jápmi/lihkohisvuolta (heahtedilli) lagas bearrašis mii lea mañjoneami sivvan. Máhppaárvvoštallama dahje guhkit áiggi bargguid sisaaddima olis ferte fágaovddasvástideaddji árvvoštallat guhkidit áigemeari goappáge dáfus ovttrasráđiid oahppohálddahušain.

§ 13 Mañiduvvon eksámen ja gearduneksámen

1. **Mañiduvvon eksámen.** Mañiduvvon eksámen lágiduvvo kandidáhtaide geat dohkálaš sivaidd geažil eai čađahan dábalaš eksámena. Allaskuvla ii lágidit ođđa mañiduvvon eksámena jus studeanta lei buohcci mañiduvvon eksámenis. Studeanta ferte de čađahit mañiduvvon eksámena go nuppes lágiduvvo dábalaš eksámen
2. **Gearduneksámen.** Kandidáhtat geat eai ceavzán ovddit eksámena sáhttet čađahit gearduneksámena go lágiduvvo mañiduvvon eksámen fágas, dahje go nuppes lágiduvvo dábalaš eksámen fágas. Oahppolávdegoddi sáhtta spiehkastit dán njuolggadusas erenoamáš sivaidd geažil (vrd. §2 nr. 5).
3. **Eksámenáiggit.** Mañiduvvon eksámen ja / dahje gearduneksámen lágiduvvo dábálaččat mañit lohkanbajis, ja sáhtta lágiduvvot ovtta gearduneksámeniin / mañiduvvon eksámeniin seammá fágas.
4. **Eksámenčađaheapmi eará sajes go gos ordineara eksámen lágiduvvo.** Lea vejolaš sierra ohcama bokte čađahit eksámena eará sajes go doppe gos ordineara eksámen lágiduvvo. Sámi allaskuvla eaktuda ahte son gii ohcá dákkár vejolašvuotta ieš gokčá visot liigegoluid mat ležžet dán oktavuodas, ja ahte eksámen čađahuvvo allaskuvlla dohkkehan ásahusas. Dákkár ohcamat meannuduvvojit hálddahušlaččat, ja ohcan galgá hálddahuš unnimusat golbma vahku ovdal eksámena, ja 5 vahku ovdal jus eksámen galgá čađahuvvot olgoriikkas. Sámi allaskuvlla stivra mearrida liigebarggu oktavuodas sierra divada.

- 5. Joavkoeksámen / loahpalaš joavkogeahččaleapmi.** Kandidáhtat geat eai leat ceavzán joavkoeksámena, dahje geain lei dohkálaš sivva jávkat joavkoeksámenis, galget joavkoeksámena sadjái čađahit viiddiduvvon oktagaslaš eksámena. Muđui čujuhuvvo joavkobarggu njuolggadusaide.

§ 14 Buoridit árvosániid

Lea vejolaš buoridit árvosániid (čađahit ođđa eksámena).

- a. Dán sáhhtá dahkat dušše dalle go lágiduvvojit dábálaš eksámenat, jus allaskuvla ii mearrit earáládje.
- b. Kandidáhtta ferte čađahit eksámena dan lohkanmeari ja daid eksámenbihtáid vuodul mat gustojit ođđa eksámenii, vrd. liikká § 2 nr. 8.

Dán paragrafii gustojit dábálaš eksámendieđihanáigemearit.

§ 15 Eksámenvuogit ja –viidodagat

1. Eksámenvuogit ja geahččalemiid ja bargobihtáid viidodagat galget boahtit ovdan gustovaš fága- dahje oahppoplánain.
2. Čuovvovaš eksámenat sáhhtet leat oassin loahpalaš árvoštallamis. Dáin sáhhtá dušše okta dahje kombinašuvdna mánggain:
 - čálalaš oktagaslaš eksámen vávttaid bearráigeahču vuolde (skuvlaeksámen)
 - njálmmálaš eksámen juogo oktagaslaččat dahje joavkkus
 - čálalaš ruovttueksámen juogo oktagaslaččat dahje joavkkus
 - praktihkalaš hárvjehusat ja barggut (hárvjehallan)
 - ovdanbuktimat/ čájálmasat juogo oktagaslaččat dahje joavkkus
 - Portefolie/ máhppaárvoštallan - studeanta ieš vállje geatnegahtton ja dohkkehuvvon bargguid čájehanmáhppii
 - Bargopearbma- buot geatnegahtton ja dohkkehuvvon barggut čohkkejuvvon bargoperbmii
 - prošeaktabarggut (lohkanbadjebarggut)

§ 16 Beassat eksámena dahje geahččaleami čađaheamis

1. Studeanta sáhhtá U/A lága § 3-5 mielde beassat eksámena dahje geahččaleami čađaheamis, jus sáhhtá duođaštit ahte son lea juo čađahan vástideaddji eksámena dahje geahččaleami seammá ásahusas dahje eará ásahusas.
2. Oahppoduođaštusas galgá boahtit ovdán makkár oahppoovttadagas /-ovttadagain studeanta lea beassan.
3. Sámi allaskuvlla stivra lea dán láhkaásahusa bokte addán fápmudusa Dutkan- ja oahppostivrii mearridit áššiid go studeanttat leat ohcan beassat eksámena dahje geahččaleami čađaheamis.
4. Ohcan beassat eksámenis galgá ovddiduvvot farggamusat go oahpahus lea álgán, ja maŋemusat 4 vahku maŋgel go oahppojahki/ lohkanbadji lea álgán.
5. Studeanttas lea alddis ovddasvástáduš duođaštit gelbbolašvuoda man vuodul ohcá beassat, mat leat dárbblašlaččat ohcama meannudeapmái.

§ 17 Eksámenčádaheapmi sierranas eavttuid vuodul.

1. Allaskuvla sáhtta miedihit sierranas eksámeneavttuid kandidáhtaide geat duođaštit erenoamáš lohkan- / čállinváttuid, doaimmashehttejuvvon kandidáhtaide, áhpehis kandidáhtaide geat dárbbášit vuoiŋgastit, kandidáhtaide geat njamahit njuoratmánáid jna. Sierranas eksámeneavttut sáhttet leat erenoamáš fysihkalaš heiveheamit, veahkkeneavvut (pc jna.) ja viiddiduvvon eksámenáigi.
2. Kandidáhtat geat dárbbášit čađahit eksámena sierranas eavttuid vuodul, fertejit ohcat dákkár vejolašvuoda unnimusat guokte vahku ovdal eksámena. Jus lea fáhkka čuožžilan dilálalašvuoha, de sáhtta spiehkastit áigemearis. Duođaštusas ferte boahit ovdan sierranas eksámeneavttuid dárbu, ja doavttirduođaštus/logoped/psykolog ferte čilget makkár erenoamáš dárbbut kandidáhtas leat eksámenčádaheami oktavuodas. Erenoamáš eksámenortnegiid ferte ohcat čálalaččat sierra juohke eksámenáigodahkii. Go bistevas buozanvuoha lea duođaštuvvon, lea doarvái ahte kandidáhtta buktá doavttirduođaštusa vuosttaš háve go ohcá sierraortnegiid eksámeniidda. Ohcamat meannuduvvojit hálddahuslaš ovttasráđiid fágasurggiin.
3. Jus kandidáhtta geas lea dysleksi dahje eará lohkan-/čállinváttut háliida, de sáhtta allaskuvla bidjat čállosa mii duođašta dáid váttuid eksámenvástádussii mielddusin (duođaštus anonymiserejuvvo). Kandidáhtta geas lea fágalaččat duođaštuvvon dysleksi dahje eará lohkan-/čállinváttut sáhtta beassat njálmmálaččat bealuštit iežas čálalaš eksámenvástádusa. Jus kandidáhtta vállje bealuštit eksámenvástádusa njálmmálaččat, de galgá dát bealušteapmi deattuhuvvot loahpalaš árvosáni mearrideamis.
4. Čálalaš eksámeniid oktavuodas dábálaččat viiddiduvvon eksámenáigi ii galgga dahkat eanet go 25 % dábálaš eksámenáiggis, eanemustá 1 diibmu.
5. Ruovttueksámeniid oktavuodas dábálaččat viiddiduvvon eksámenáigi lea 1 beaivi (24 diimmu).

§ 19 Veahkkeneavvuid geavaheapmi eksámenis

Veahkkeneavvut eksámenii sáhttet leat čálalaš dahje prentejuvvon veahkkeneavvut, ja eará veahkkeneavvut mat gullet iešguđet fágaide. Vejolaš veahkkeneavvut eksámenii galget leat diedihuvvon ovdagihtii. Galgá maiddái boahit ovdan eksámenbargobihtás makkár veahkkeneavvuid oažžu geavahit. Listu makkár veahkkeneavvuid oažžu geavahit eksámenis, man sensorkommišuvdna dohkkeha, galgá sensorkommišuvvna bealis almmuhuvvot unnimusat 5 beaivvi ovdal go eksámen lágiduvvo.

§ 20 Verrošeapmi ja verrošangeahččaleapmi

1. Lea verrošeapmi go studeanttas leat eará go lobálaš veahkkeneavvut veahkkin eksámenis, dahje jus earáládje bargá eksámennjuolggadusaid dahje gáldogeavaheami njuolggadusaid vuostá.
2. Jus dakkár eksámena vuolde gos lea bearráigeahčču badjána dilli mii dahká ahte studeanta sáhtta sivahallojuvvet verrošan, de galgá dakkaviđe fuomášuhttit studeantta ahte ášši boahká diedihuvvot hálddahussii viidáset čuovvoleapmái. Studeanta oažžu dalle vejolašvuoda válljet áigu go gaskkalduhttit vai joatkit eksámena. Seamma guoská studeanttaide geat leat veahkkin leamaš verrošeamis, gč. nr. 5.
3. Jus oktagaslaš ruovttueksámena vuolde badjána dilli mii dagaha ahte ovttaskas kandidáhta loahpalaš boadus ii sáhte daddjot leat oktagaslaš ja iešheanalaš bargu, de galgá hálddahussii diedihuvvot. Jus maŋjel čájehuvvo ahte guokte dahje eambo vástádusa čielgasit leat huksejuvvon seamma originálabarggu vuodul dahje ahte lea seamma olmmoš duogábealde dahje oktasaš disposišuvdna, de rehenastojuvvojit buot bealálaččat verrošan.

4. Geavahuvvon gálduid referánsat galget almmuhuvvot. Maŋisčállin dahje mángen gáldodieđuid haga rehkenastojuvvo verrošeapmin, beroškeahttá gáldus. Eksámenvástádusat galget álo leat originála, iešheanalaš ja oktagaslaš barggut, earret dalle go bargobihtás čielgasit bohtá ovdan ahte váldonjuolggadusas sáhtta spiehkastit. Vástádus ii galgga ovdal leat addon eksámenvástádussan iežas ii ge eará ášahusain.
5. Kandidáhtat geat mielaeavttus dahje roavva fuolatmeahttuvuođas dagahit ahte earát verrošit, leat maiddáii verrošan, beroškeahttá eksámenvuogis.
6. Studeanta mii lea verrošan dahje geahččalan verrošit, sáhtta eksámena oažžut sihkkovuvvot, gč. U/A-lága § 4-7 nr. 1 ja/dahje sáhtta biddjot eret skuvllas, gč. § 4-8 nr. 3.

§21 Árvosátnevuogádat

1. Árvosátnevuogádat eksámeniidda, geahččalemiide, bargguit árvvoštallamiidda dahje eará árvvoštallamii geavahuvvo ceavzán/ii ceavzán dahje árvvoštallankriteriijaid mielde, ceavzán árvosániit A - E ja ii ceavzán árvosáni F čuovvovaččat:

| Árvo- bustáva | Árvosátni | Árvvoštallankriteriijaid (-ceahkkálasa) oppalaš, kvalitatiiva govvádus |
|------------------|----------------|--|
| A | Válljugas | Válljugas bargu mii goargguha iešheanalisivuođain. |
| B | Ávdđalaš | Ávda bargu, mii lea gaskadási, ja mas vuhtto iešheanalisivuohta. |
| C | Buorre | Gaskadási bargu, mii buori muddui deavdá fágaosiid gáibádusaid. |
| D | Buorrelágan | Bargu lea vulobealde gaskaárvvu. Das leat váilevašvuođat guovddáš áššiin. |
| E | Dohkkehahti | Bargu lea dohkkehahti ja deavdá vuolimus gáibádusaid, muhto ii dađe eanet. |
| F | Dohkkesmeahtun | Bargu ii deavdde vuolimus gáibádusaid. |

Lagat árvvoštallankriteriat bohtet ovdan árvosátnevuogádagas maid Sámi allaskuvlla geavaha ja mas lea árvosániid oppalaš čilgehus.

2. Bustávvaárvosániit vástidit lohkoárvvuide ná: A=5, B=4, C=3, D=2, E=1 og F=0. Lohkoárvvut geavahuvvojit go rehkenastá loahpalaš árvosáni fáttáin go mánga oasseeksámena galget lohkkot dahje go mánga fáddábohtosa galget lohkkot fáttá oppalaš loahpalaš árvosátnái. Geavahuvvojit dábbalaš jorbennjuolggadusat.
3. Ceavzán/ii ceavzán ii berre geavahuvvot nu olu ahte oppalaččat dahká badjel beali fága-/oahppoplána oahppočuoggáin.
4. Guđe árvosátnevuogádaga galgá geavahit guđege eksámenis geahččaleamis dahje bargoárvvoštallamis, mearriduvvo fága- ja oahppoplánain ja bohtet ovdan dain.
5. Njuolggadusat loahpalaš árvosáni meroštallamis dakkár fáttás mas leat mánga oasseeksámena, mearriduvvojit allaskuvllas ja galget bohtit ovdan fága- ja oahppoplánain.

§ 22 Sensorat, sensorortnegiid ja sensoráigemearri

1. Dutkan- ja oahppostivrra mearrida dárkilat sensorortnegiid, ja nammada eksámenkommišuvnna eksámeniidda ja /dahje oasseeksámeniidda mat leat oassin loahpalaš árvosániit. Son guhte nammaduvvo sensoriin, miehtá seammás leat sensoriin maiddáii gearduin / maŋiduvvon eksámenis. Liigesensorat nammaduvvojit eksámeniidda main lea váidinvjolašvuohta (U/A § 3-9) Liige-/váiddasensorat (guokte) nammaduvvojit seammás go ordineara sensorat, ja dáin unnimusat nubbi galgá leat olggobeale sensor. Sensorat nammaduvvojit čuovvovaččat:

- 1. sensor – Fágaoahpaheaddji / fálaldaga fágalašovddasvástideaddji
- 2. sensor- siskkáldas sensor (fágaoahpaheaddji) dahje olggobeal sensor
- Liigesensor 1: Olggobeal sensor
- Liigesensor 2: siskkáldas sensor dahje olggobeal sensor

Masterdási dutkosii nammaduvvojit sensorat čuovvovaččat:

- 1. sensor – siskkáldas sensor
- 2. Sensor - olggobeale sensor
- Liigesensor 1: Olggobeal sensor
- Liigesensor 2: siskkáldas sensor

2. Olggobeal sensor ii galgga leat virggis Sámi allaskuvllas. Olggobeal sensor galgá deavdit unnimusat ovttá dán gelbbolašvuodagáibádusain:
 - a. Bargat unnimusat allaskuvlalektordásis eará oahppo- /dutkanásahusas
 - b. Earáladje duođaštit dieđalaš gelbbolašvuoda seammá dásis
 - c. Universitehta- /allaskuvládási sensorhárjáneapmi fágas / oahpus
 - d. Bargohárjáneami bokte háhkan erenoamáš fágalaš gelbbolašvuoda
3. Olggobealsensor geavaheapmi heivehuvvo iešguđet fága/oahppoovttadaga árvvoštallamii ja oasseeksámeniidda. U/A lága § 3-9 nr.1. mielde galgá leat olggobeale evalueren árvvoštallamiin dahje árvvoštallanvugiin. Olggobeal sensor berre árvvoštallat muhtun oasseeksámeniid dahje muhtun kandidáhtaid vástádusaid, dahje buot kandidáhtaid vástádusaid juohke 3. Geardde go lea árvvoštallan dán fágas/ oahppoovttadagas.
4. Eksámenkommišuvnna bargujuohkin
 - a.) 1. ja 2. sensor árvvoštallaba fága- ja oahppoplána, erenoamážit árvvoštallanvuogi, oahpu lágideami ja bargovugiid ektui.
 - b) 1. ja 2. sensor dohkkeheaba eksámenbihtáid fága- ja oahpu sisdoalu ektui ja bidjaba rámmaid árvvoštallamii. Dát raporterejuvvo liigesensoriidda dárbbu mielde.
 - c) 1. ja 2. sensor árvvoštallaba kandidáhtaid eksámenvástádusaid. 2. sensor čállá sensorraportta.
 - d) Liigesensorat árvvoštallaba eksámenvástádusaid jus kandidáhtta váidá bohtosa Sámi allaskuvlla eksámennjuolggadusaid ja U/A lága § 3-9. 1. liigesensor čállá sensorraportta váiddasensureremis.
5. Árvvoštallanáigemearri
 - a. Árvvoštallanáigemearri lea golbma vahku eksámenbeaivvi rájes / dan beaivvi rájes go kandidáhtta lea addán sisa eksámenvástádusa, jus árvvoštallanáigemearri ii viiddiduvvo erenoamáš sivaidd geažil. Masterbargguid árvvoštallanáigemearri lea 6 vahku.
 - b. Jus njálmmálaš dehe praktihkalaš eksámen lea maŋŋel čálalaš eksámena ja dasa čadnon, ja kandidáhtta ii ceavzze čálalaš eksámena, de ii beasa čađahit njálmmálaš/praktihkalaš eksámena.

§23 Eksámenlágideami formála meattáhusaid váidin.

1. Eksámenkandidáhtta sáhtta váidit eksámenlágideami formála meattáhusaid. Váidináigemearri lea golbma vahku dan rájes go kandidáhtta fuomášii, dahje berrešii fuomášán, ášši man dihte váidá. Stivra ieš, dahje stivrra váiddalávdegoddi, dahká mearrádusa váiddaáššis, vrd. U/A lága §§ 4-7 ja 4-8.

2. Jus leat dahkkon meattáhusat mat soitet váikkuhan studeantta eksámenčádaheapmái dahje eksámenárvvoštallamii, de galgá árvvoštallanmearrádus sihkkovuvvot. Jus lea vejolaš divvut meattáhusa ođđa árvvoštallama bokte, de galgá bargu/eksámenvástádus árvvoštallojuvvo ođđasit. Jus ođđa árvvoštallama bokte ii leat vejolaš divvut meattáhusa, de galgá allaskuvla lágídit ođđa eksámena dahje geahččaleami, maid ođđa sensorat árvvoštallet. Lea vejolaš váidit ođđa árvvoštallama árvosáni, go ođđa árvvoštallan lea dahkkon dán paragrafa mielde, vrd. § 5-2.
3. Jus studeanta lea gáibidan čilgehusa eksámenárvvoštallamii dahje váidán árvosáni; de lohko váidináigemearri dán paragrafa mielde dan rájes go studeanta lea ožžon čilgehusa, dahje dan rájes go váiddaášši lea mearriduvvon.
4. Jus stivra dahje stivrra váiddalávdegoddi gávnna ahte leat dahkkon formála meattáhusat eksámenlágideamis, de sáhtta mearridit ahte ođđa árvvoštallan galgá dahkkot dahje ahte lágídivvo ođđa eksámen dahje geahččaleapmi. Dákkár mearrádus sáhtta dahkkot jus lea jáhkehahti ahte formála meattáhus lea váikkuhan ovttá dahje eanet kandidáhtaid eksámenčádaheapmái, dahje eksámenvástádusaid árvvoštallamii.

§ 24 Čilgehus mearriduvvon árvosátnái ja árvosáni váidin.

1. Kandidáhtas lea vuoigatvuohta oažžut čilgehusa das mo su eksámenvástádus lea árvvoštallojuvvon. Njálmmálaš dahje praktihkalaš eksámenis ferte kandidáhtta gáibidit dákkár čilgehusa dakkaviđe maŋŋil go árvosátni lea almmuhuvvon. Eará árvvoštallamis ferte kandidáhtta gáibidit čilgehusa vahku sisa árvosáni almmuheami rájes, ii dattege eanet go golbma vahku maŋŋil árvosáni almmuheami.
2. Čilgehus árvosátnái galgá addot maŋimustá guokte vahku maŋŋil go kandidáhtta lea gáibidan dan. Eksámenárvvoštallama oppalaš prinsihpat galget boahit ovdan čilgehusas. Sensor sáhtta válljet addá go son čálalaš vai njálmmálaš čilgehusa.
3. Jus lea ráhkaduvvon čálalaš láidehus eksámenárvvoštallamii, de galget studeanttat daid beassat oaidnit maŋŋel go árvosátnit leat mearriduvvon.
4. Kandidáhtta sáhtta čálalaččat váidit árvosáni golmma vahku sisa eksámenbohtosa almmuheami rájes. Jus kandidáhtta váidá, de galgá ođđa árvvoštallan dahkkot. Jus kandidáhtta lea gáibidan čilgehusa árvosátnái dahje lea váidán eksámenbarggu / eksámenčádaheami / eksámenárvvoštallama meattáhusaid; de lohko dán paragrafa váidináigemearri dan rájes go kandidáhtta oažžu čilgehusa, dahje dan rájes go váiddaášši lea mearriduvvon. Joavkoeksámena bohtosa váidin galgá vuolláičállon buot joavkku kandidáhtain ovdal go váidda meannoduvvo allaskuvlla bealis.
5. Oasseeksámeniid ja geatnegahtton bargguid árvvoštallamis lohko váidináigemearri dan rájes go oasseeksámena / geatnegahtton barggu árvosátni lea almmuhuvvon.
6. Váidináigemearri lohko dan rájes go árvosátni almmuhuvvui Class Fronterii / StudentWebii dahje njuolggá studentii. Árvosátnit almmuhuvvojit dábaláččat kandidáhtanummáriid mielde.
7. Njálmmálaš eksámena árvvoštallama, hárvhallama dahje eará árvvoštallama ii sáhte váidit jus geahččaleapmi lea dakkár ahte ii leat vejolaš árvvoštallat dan ođđasit. Sisaváldingeahččalemiid

bohtosiid sáhtta váidit dušše dalle go ii leat ceavzán geahččaleami. Ii sáhte váidit ođđa árvvoštallama árvosáni go ođđa árvvoštallan lea dahkkon dán paragrafa vuodul, vrd. U/A lága § 5-3.

§ 25 Duodaštusat

1. Sámi allaskuvla čállá oahppoduođaštusaid čađahuvvon gráda, profešuvnnaoahpu, bachelorgráda, mastergráda dahje eará oahppoprográmma ovddas. Eará oahpuid ovddas mat eai adde gráda, čállo árvosátnečálus. Grádat mat loahpahuvvet giđđalohkanbajis, čállojit dáhtoniin *geassemánu 20. beaivi*, ja grádat mat loahpahuvvet čakčalohkanbajis, čállojit dáhtoniin *juovlamánu 20. beaivit*
2. Sámi allaskuvlla čáliha oahppoduođaštusaid sámegillii. Diploma Supplement ja Transcript of Records čuovvu oahppoduođaštusa mielddusin.
3. Jus studeanta maŋjel go lea čađahan fidnooahpu dahje gráda váldá eksámeha ođđasit fáttás dahje fágas mii lea oassin dán guoskevaš fidnooahpus dahje grádas, de čálihuvo ođđa árvosátnečálus.
4. Allaskuvla gáibida erenoamáš divada duplikáhtaduođaštusaid čállimis. Erenoamáš dáhpáhusain go sáhtta duohtan dohkkehuvvot dahje duođaštuvvot ahte oahppoduođaštus lea láhpon dahje billahuvvan, de sáhtta čállot ođđa oahppoduođaštus.
5. Oahppoduođaštusas galgá ovdanboahhtit:
 - a. Ásahusa logo ja namma
 - b. Olahuvvon gráda namahus ja oahppoprográmma namma
 - c. Oahpu ulbmilat ja gelbbolašvuohta
 - d. Kandidáhta namma ja riegádannummar
 - e. oahppočuoggát
 - f. Goas oahppu lea ollašuvvon loahpalaččat
 - g. Makkár osiin kandidáhta lea beassan eará gelbbolašvuođa geažil ja makkár gelbbolašvuohta lea vuodđun eret beassamii
 - h. Namahus stuorat čálalaš bargguin
 - i. Árvosátnevuogádat / -skála.

§ 26 Bajit dási lágat / referánsat

Čujuhuvvo dáidda:

1. Universitehtaid ja allaskuvllaid láhka: Lov 2005-04-01 nr. 15: Lov om universiteter og høyskoler
2. Hálddašánláhka: Lov 1967-02-10 ne 00: Lov om behandlingsmåten i forvaltningssaker (forvaltningsloven) Rievdaduvvon Lov-2004-12-17-101 fra 2005-01-01.
3. Almmolašvuođaláhka; Lov om offentlighet i forvaltningen (offentlighetsloven LOV-1970-06-19-69) Rievdaduvvon LOV-2005-01-14-6.
4. Našunála rámmaplánat.
5. Riikaarkiivva kassašuvdnanjuolggadusat mat gustojit universitehtaide ja allaskuvllaide, beaiváduvvon 14.12.84.

§ 27 Dárkilat njuolggadusat

Sámi allaskuvlla stivra lea dán lánkaásahusa bokte addá Sámi allaskuvlla dutkan- ja oahppostivrii fápmudusa mearridit dárkileabbo njuolggáduasid eksámeniid lágideapmái ja čadaheapmái, mat dievasmahttet dán lánkaásahusa.

§ 28 Fápnuiboahhtin

Lánkaásahus doaibmagoahhtá 01.03.2011 rájes. Dán beaivvi rájes ii eai leat šat doaimmas Sámi allaskuvlla eksámen ja loahpalaš árvvoštallama njuolggadusat, mas ođđaseamos rievdadusat dohkkehuvvon Oahppolávdegotti čoaikkimis 01.03.2007 áššis OAL 16/07.